

Omladinski klub Brčko je osnovan u februaru 2002 godine. U početku je bio smješten u prostorijama PRONI kancelarije na Buriča Brdu. Od oktobra 2004 klub radi u prostorijama "Omladinskog centra Brčko", koji se nalazi u krugu bivše kasarne. U omladinskom klubu rade edukovani omladinski radnici, koji su certificirani od strane Švedskog univerziteta u Jongkopingu, "Univerzitet za Komunikacije i socijalno obrazovanje". Sve aktivnosti, odnosno radionice, se rade na bazi socijalnog obrazovanja. Aktivnosti su podijeljene na sportsko-rekreativne, edukacijske i rad u grupama. Klub je otvoren s ciljem kreiranja mjesta gdje bi se mogli okupljati svi mladi ljudi bez obzira na njihovu spolnu, rasnu, etničku, religijsku ili bilo koju drugu pripadnost i gdje bi mogli raditi na svom ličnom i profesionalnom razvoju a samim tim i na razvoju cjelokupne lokalne zajednice. Posebnu pažnju smo posvetili podizanju svijesti kod naših članova o važnostima ljudskih, dječjih i pravima žena, upoznavanju s istim kako ih zaštititi te pomoći drugima da ostvare svoja prava. U klubu vlada jedna zdrava i prijatna atmosfera gdje se svaki član osjeća dobrodošlo. U klubu postoje pravila kojih se trebaju i kojih se pridržavaju svi članovi, u prostorijama kluba se ne puši, ne pije, nije dozvoljeno korištenje droga ili bilo kojih drugih opijata ili dolaženje pod utjecajem istih. Članstvo u klubu je besplatno. **Omladinski klub Maoča** počeo je sa radom 2003. godine. uz podršku MZ Maoča. Broj članjenih članova u klubu je 250 mladih ljudi, koji su posjećivali različite aktivnosti. U klubu su se organizovale aktivnosti na temu socijalne edukacije, grupnog rada, sportske aktivnosti itd. Pored redovnih aktivnosti organizovale su se i vanredne aktivnosti kao što su izleti, turniri, razmjene između klubova. Sve aktivnosti se organizuju u skladu sa potrebama i idejama mladih ovog kluba. Omladinski klub Maoča ima odličnu saradnju sa MZ, KUD-om Behar, fudbalskim klubom Trešnjevka, Domom zdravlja u Maoči, Osnovnom školom, mještanima. Od 2007. godine Omladinski klub Maoča postaje dio Mreže klubova sa volonterima iz MZ - e, koji redovno rade u klubu i organizuju aktivnosti za mlade uz podršku omladinskih radnika PRONI a. **Omladinski klub u Potočarima** otvoren je početkom juna 2003. godine i smješten je u prostorijama Mjesne zajednice koja se nalazi pored glavne ulice u Potočarima. Ispred kluba se nalazi teren za odbojku koji koriste članovi kluba i mještani za turnire koji se često organizuju u proljeće, ljeto i jesen. Članovi koji dolaze u klub svoje slobodno vrijeme mogu iskoristiti na pravi način, naučiti nešto novo kroz radionice, podijeliti informacije, koristiti internet i druge mogućnosti koje im pruža ovaj klub kao što je pikado, stoni fudbal i sl. U klubu postoje pravila koja svi članovi kluba moraju da poštuju. U klubu je zabranjena upotreba cigareta, narkotika i alkohola i ne smije se doći u klub pod uticajem navedenih supstanci. Od 2007. godine Omladinski klub Potočari postaje dio Mreže klubova sa volonterima iz MZ - e, koji redovno rade u klubu i organizuju aktivnosti za mlade uz podršku omladinskih radnika PRONI a. **Omladinski klub Bijela**, klub u Bijeloj je počeo sa radom početkom septembra/rujna 2004 godine. Nalazi se u prostorijama MZ Bijela. Klub ima oko stotinu članova kako iz Bijele, tako i iz okolnih sela. Klub od početka svog rada surađuje sa X Osnovnom školom i drugim subjektima u Bijeloj kao što su Nogometni klub i KUD Bijela. Osim svakodnevnih aktivnosti u klubu se organiziraju i aktivnosti van kluba, te se svaki dan može koristiti internet. Klub za mlade u Bijeloj je mjesto gdje mladi ljudi i djeca mogu na kreativan i koristan način provoditi svoje vrijeme i gdje neke od aktivnosti mogu i sami da kreiraju. Klub je otvoren sa ciljem da pomogne svakom mladom


Uvijek da napreduje u svom osobnom razvoju i na taj način pomogne i razvoju zajednice u kojoj djeluje.

Klub za mlade predstavlja zdravu sredinu za rad jer unutar kluba ili na aktivnostima koje organizira ne smije se koristiti droga i alkohol pod uticajem istih, ne smije se pušiti niti na bilo koji način vrijetati druge.

Od 2007. godine Omladinski klub Bijela postaje dio mreže klubova sa volonterima iz MZ - e, koji redovno rade u klubu i organizuju aktivnosti za mlade uz podršku omladinskih radnika PRONI a.

Gore navedeni su matični klubovi, na osnovu kojih se razgranala "Mreža klubova" sa ostala 23 omladinska kluba i to u MZ:

- Dubrave**
- Gornja Skakava**
- Prijedor**
- Bukvik**
- Vitanovići**
- Brka**
- Palanka**
- Žande**
- Račljani**
- Štrepci**
- Gluhakovac**
- Brezovo Polje**
- Slijepčevići**
- Buzekara**
- Gredice I**
- Donji Brezik**
- Račljevo**
- Grbavica**
- Vučilovac**
- Ivici**
- Stari Rasadnik**
- Grčica**
- Omerbegovača**

◆ ◆ ◆ ◆ 

◆